

SAMÞYKKT

um breytingu á samþykkt um stjórn Fjarðabyggðar og fundarskóp bæjarstjórnar, nr. 748/2018.

1. gr.

Eftirfarandi breytingar eru gerðar á F-lið 62. gr. samþykktarinnar:

a) Fyrirsögn F-liðar verði:

Tilnefningar og kosningar. Kosnir fulltrúar í stjórnir og á ársþing og ársfundi stofnana, sem sveitarfélagið á aðild að. Kjörtímabil þeirra er hið sama og bæjarstjórnar nema kveðið sé á um annað.

b) Fyrirsögn a-liðar verði: a. kosnir af bæjarstjórn á fyrsta eða öðrum fundi nýkjörinnar bæjarstjórnar eða í júní ár hvert vegna þeirra tilnefninga sem gilda skemur.

c) Fyrirsögn b-liðar verði: b. tilnefningar staðfestar af bæjarstjórn að afloknum sveitarstjórnarkosningum eða ár hvert vegna þeirra tilnefninga sem gilda skemur.

2. gr.

Við samþykktina bætast tíu viðaukar um fullnaðarafgreiðslur nefnda, ráða, stjórna og embættisfærslur annarra aðila innan stjórnsýslu sveitarfélagsins Fjarðabyggðar, í samræmi við heimildir í 57. gr. samþykktarinnar, sbr. 42. gr. sveitarstjórnarlaga nr. 138/2011.

Viðaukarnir varða fullnaðarafgreiðslu á eftirtöldum málefnasviðum sveitarfélagsins og nefnda þess:

1. Eigna-, skipulags- og umhverfisnefndar (viðauki 1.1).
2. Íþrótt- og tómstundanefndar (viðauki 1.2).
3. Félagsmálanefndar (viðauki 1.3).
4. Hafnarstjórnar (viðauki 1.4).
5. Menningar- og nýsköpunarnefndar (viðauki 1.5).
6. Forstöðumanns stjórnsýslu (viðauki 2.1).
7. Fjármálastjóra (viðauki 2.2).
8. Sviðsstjóra umhverfis- og skipulagssviðs (viðauki 2.3).
9. Dýraeftirlitsmanns (viðauki 2.4).
10. Sviðsstjóra framkvæmdasviðs (viðauki 2.5).

Viðaukarnir eru birtir með samþykkt þessari.

3. gr.

Samþykkt þessi sem bæjarstjórn Fjarðabyggðar hefur sett skv. ákvæðum 9. og 18. gr. sveitarstjórnarlaga nr. 138/2011 staðfestist hér með til að öðlast þegar gildi.

Samgöngu- og sveitarstjórnarráðuneytinu, 10. júní 2019.

F. h. r.

Hermann Sæmundsson.

Stefanía Traustadóttir.

VIÐAUKI 1.1

Fullnaðarafgreiðsla eigna-, skipulags- og umhverfisnefndar.

1. gr.

Eigna-, skipulags- og umhverfisnefnd afgreiðir, án staðfestingar bæjarstjórnar og bæjarráðs eftirtalin verkefni, samkvæmt heimild í 1. mgr. 42. gr. sveitarstjórnarlaga nr. 138/2011 og samþykkt um stjórn og fundarsköp Fjarðabyggðar:

Tillögur til lögreglustjóra varðandi breytingar á varanlegum sérákvæðum um notkun vega til umferðar og aðrar ákvarðanir sem hljóta þurfa staðfestingu eða samþykki hans, sbr. 81.-83. gr. umferðarlaga nr. 50/1987.

Hvers kyns ákvarðanir varðandi starfsemi Rafveitu Reyðarfjarðar. Þó ekki mannráðningar, staðfestingu gjaldskrár, fjárhagsáætlun og ákvarðanir um nýframkvæmdir, sbr. ákvæði í gildandi innkaupareglum.

Hvers kyns ákvarðanir varðandi starfsemi Hitaveitu Fjarðabyggðar. Þó ekki mannráðningar, staðfestingu gjaldskrár, fjárhagsáætlun, ákvarðanir um breytingu veitusvæðis og ákvarðanir um nýframkvæmdir, sbr. ákvæði í gildandi innkaupareglum.

Hvers kyns ákvarðanir varðandi starfsemi Vatnsveitu Fjarðabyggðar. Þó ekki mannráðningar, staðfestingu gjaldskrár, fjárhagsáætlun og ákvarðanir um nýframkvæmdir, sbr. ákvæði í gildandi innkaupareglum.

Hvers kyns ákvarðanir varðandi starfsemi Fráveitu Fjarðabyggðar. Þó ekki mannráðningar, staðfestingu gjaldskrár, fjárhagsáætlun og ákvarðanir um nýframkvæmdir, sbr. ákvæði í gildandi innkaupareglum.

Breytingar á deiliskipulagi, sbr. 43. gr. skipulagslaga nr. 123/2010.

Ákvörðun um að hefja gerð deiliskipulags, sbr. 38. gr. skipulagslaga.

Framkvæmdaleyfi, sbr. 1. mgr. 13. gr. skipulagslaga.

Skiptingu jarða, landa, lóða og breytingu á landamerkjum samkvæmt 48. gr. skipulagslaga.

Meðmæli til Skipulagsstofnunar vegna einstakra framkvæmda þar sem ekki liggur fyrir staðfest deiliskipulag, sbr. 1. ákvæði til bráðabirgða í skipulagslögum.

Endurnýjun og framlenging á gildandi lóðarsamningum.

Verkefni byggingarnefndar, sbr. 7. gr. laga um mannvirki nr. 160/2010.

Eigna-, skipulags- og umhverfisnefnd getur ávallt vísað afgreiðslu mála samkvæmt 1. mgr. til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndinni hið fæsta. Í slíkum tilfellum skal nefndin þó setja fram tillögu að afgreiðslu máls.

2. gr.

Óski aðili frekari rökstuðnings við afgreiðslu eigna-, skipulags- og umhverfisnefndar eða beri hann fram kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði, sbr. 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal eigna-, skipulags- og umhverfisnefnd taka málið upp að nýju.

VIÐAUKI 1.2

Fullnaðarafgreiðsla íþróttá- og tómstundanefndar.

1. gr.

Íþróttá- og tómstundanefnd afgreiðir, án staðfestingar bæjarstjórnar og bæjarráðs eftirtalin verkefni, samkvæmt heimild í 1. mgr. 42. gr. sveitarstjórnarlaga nr. 138/2011 og samþykkt um stjórn Fjarðabyggðar og fundarsköp bæjarstjórnar:

Ákvarðanir um úthlutun styrkja til íþróttá- og æskulýðsmála, þ.m.t. samstarfssamninga með eins árs gildistíma, í samræmi við reglur staðfestar af bæjarstjórn og fjárhagsáætlun hvers árs.

Íþróttá- og tómstundanefnd getur ávallt vísað afgreiðslu mála samkvæmt 1. mgr. til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndinni hið fæsta. Í slíkum tilfellum skal nefndin þó setja fram tillögu að afgreiðslu máls.

2. gr.

Óski aðili frekari rökstuðnings við afgreiðslu íþrótt- og tómstundanefndar eða beri hann fram kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði, sbr. 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal íþrótt- og tómstundanefnd taka málið upp að nýju.

VIÐAUKI 1.3

Fullnaðarafgreiðsla félagsmálanefndar.

1. gr.

Lögbundnar fullnaðarákvarðanir félagsmálanefndar eru eftirfarandi:

Í samræmi við ákvæði laga um félagsþjónustu sveitarfélaga nr. 40/1991, sbr. einnig ákvæði laga um húsaleigubætur nr. 138/1997, eru ákvarðanir félagsmálanefndar varðandi réttindi og skyldur skjólstæðinga nefndarinnar fullnaðarákvarðanir.

Félagsmálanefnd afgreiðir án staðfestingar bæjarstjórnar eða bæjarráðs eftirtalin verkefni samkvæmt heimild í 1. mgr. 42. gr. sveitarstjórnarlaga nr. 138/2011 og samþykkt um stjórn og fundarsköp Fjarðabyggðar:

Afgreiðslu og ákvarðanir um styrki, fyrirgreiðslu og liðveislu til einstaklinga, samkvæmt reglum staðfestum af bæjarstjórn.

Rekstrar- og þjónustusamninga við félög eldri borgara, enda séu þeir innan fjárheimilda nefndarinnar.

Félagsmálanefnd getur ávallt vísað afgreiðslu mála samkvæmt 2. mgr. til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndinni hið fæsta. Í slíkum tilfellum skal nefndin þó setja fram tillögu að afgreiðslu máls.

2. gr.

Óski aðili frekari rökstuðnings við afgreiðslu félagsmálanefndar eða beri hann fram kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði, sbr. 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal félagsmálanefnd taka málið upp að nýju.

VIÐAUKI 1.4

Fullnaðarafgreiðsla hafnarstjórnar.

1. gr.

Hafnarstjórn afgreiðir, án staðfestingar bæjarstjórnar og bæjarráðs eftirtalin verkefni, samkvæmt heimild í 1. mgr. 42. gr. sveitarstjórnarlaga nr. 138/2011 og samþykkt um stjórn og fundarsköp Fjarðabyggðar:

Hvers kyns ákvarðanir varðandi starfsemi Fjarðabyggðarhafna. Þó ekki mannráðningar, staðfestingu gjaldskrár, fjárhagsáætlun, ákvarðanir um breytingu hafnarsvæðis og ákvarðanir sem varða nýframkvæmdir, sbr. ákvæði í gildandi innkaupareglum.

Hafnarstjórn getur ávallt vísað afgreiðslu mála samkvæmt 1. mgr. til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndinni hið fæsta. Í slíkum tilfellum skal nefndin þó setja fram tillögu að afgreiðslu máls.

2. gr.

Óski aðili frekari rökstuðnings við afgreiðslu hafnarstjórnar eða beri hann fram kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði, sbr. 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal hafnarstjórn taka málið upp að nýju.

VIÐAUKI 1.5

Fullnaðarafgreiðsla menningar- og nýsköpunarnefndar.

1. gr.

Menningar- og nýsköpunarnefnd afgreiðir, án staðfestingar bæjarstjórnar og bæjarráðs eftirtalin verkefni, samkvæmt heimild í 1. mgr. 42. gr. sveitarstjórnarlaga nr. 138/2011, og samþykkt um stjórn Fjarðabyggðar og fundarsköp bæjarstjórnar:

Akvarðanir um úthlutun styrkja til menningarmála, þ.m.t. samstarfssamninga með eins árs gildistíma, í samræmi við reglur staðfestar af bæjarstjórn og fjárhagsáætlun hvers árs.

Menningar- og nýsköpunarnefnd getur ávallt vísað afgreiðslu mála samkvæmt 1. mgr. til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndinni hið fæsta. Í slíkum tilfellum skal nefndin þó setja fram tillögu að afgreiðslu máls.

2. gr.

Óski aðili frekari rökstuðnings við afgreiðslu menningar- og nýsköpunarnefndar eða beri hann fram kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði, sbr. 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal menningar- og nýsköpunarnefnd taka málið upp að nýju.

VIÐAUKI 2.1

Embættisfærslur forstöðumanns stjórnsýslu.

1. gr.

Forstöðumaður stjórnsýslu afgreiðir, án staðfestingar bæjarráðs, mál sem honum berast og talin eru upp í 2. gr. viðauka þessa, skv. heimild í 2. mgr. 42. gr. sveitarstjórnarlaga nr. 138/2011 og 2. mgr. 57. gr. samþykktar um stjórn og fundarsköp Fjarðabyggðar.

2. gr.

Forstöðumaður stjórnsýslu afgreiðir án staðfestingar bæjarráðs umsagnir til sýslumanns samkvæmt 1. tl. 4. mgr. 10. gr. laga nr. 85/2007 og veitir leyfi til sölu gistingar og veitinga og útleigu samkomusala í atvinnuskyni. Áður en forstöðumaður veitir leyfi skal hann leita umsagnar byggingarfulltrúa.

3. gr.

Bæjarráð skal hafa eftirlit með afgreiðslu mála sem afgreidd eru með tilvísun til viðauka þessa og getur kallað eftir reglulegum skýrslum um ákvarðanir sem teknar eru á grundvelli hennar, sbr. 57. gr. samþykktar um stjórn og fundarsköp Fjarðabyggðar.

4. gr.

Forstöðumaður stjórnsýslu getur ávallt vísað máli skv. 2. gr. til afgreiðslu bæjarráðs.

Ef ætla má að aðili máls muni ekki sæta niðurstöðu forstöðumanns stjórnsýslu skal hann vísa málinu til afgreiðslu bæjarráðs.

5. gr.

Óski aðili frekari rökstuðnings við afgreiðslu máls sem afgreidd eru með tilvísun til viðauka þessa eða beri hann fram kvörtun, skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði, sbr. 24. gr. stjórnsýslulaga, eftir því sem við á.

VIÐAUKI 2.2

Embættisfærslur fjármálastjóra.

1. gr.

Fjármálastjóri afgreiðir, án staðfestingar bæjarráðs, mál sem honum berast og talin eru upp í 2. gr. viðauka þessa, skv. heimild í 2. mgr. 42. gr. sveitarstjórnarlaga nr. 138/2011 og 2. mgr. 57. gr. samþykktar um stjórn og fundarsköp Fjarðabyggðar.

2. gr.

Fjármálastjóri afgreiðir án staðfestingar bæjarráðs afslætti af fasteignaskatti samkvæmt reglum um afslátt fasteignaskatts, sbr. 4. mgr. 5. gr. laga um tekjustofna sveitarfélaga nr. 4/1995.

3. gr.

Bæjarráð skal hafa eftirlit með afgreiðslu mála sem afgreidd eru með tilvísun til viðauka þessa og getur kallað eftir reglulegum skýrslum um ákvarðanir sem teknar eru á grundvelli hennar, sbr. 57. gr. samþykktar um stjórn og fundarsköp Fjarðabyggðar.

4. gr.

Fjármálastjóri getur ávallt vísað máli skv. 2. gr. til afgreiðslu bæjarráðs. Ef ætla má að aðili máls muni ekki sæta niðurstöðu fjármálastjóra skal hann vísa málinu til afgreiðslu bæjarráðs.

5. gr.

Óski aðili frekari rökstuðnings við afgreiðslu máls sem afgreidd eru með tilvísun til viðauka þessa eða beri hann fram kvörtun, skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði, sbr. 24. gr. stjórnisýslulaga, eftir því sem við á.

VIÐAUKI 2.3.

Embættisfærslur sviðsstjóra umhverfis- og skipulagssviðs.

1. gr.

Sviðsstjóri umhverfis- og skipulagssviðs afgreiðir, án staðfestingar eigna-, skipulags- og umhverfisnefndar, mál sem honum berast og talin eru upp í 2. gr. viðauka þessa, skv. heimild í 2. mgr. 42. gr. sveitarstjórnarlaga nr. 138/2011 og 2. mgr. 57. gr. samþykktar um stjórn og fundarsköp Fjarðabyggðar.

2. gr.

Sviðsstjóri umhverfis- og skipulagssviðs afgreiðir án staðfestingar eigna-, skipulags- og umhverfisnefndar mál er falla undir skipulagslög nr. 123/2010 og lög um mannvirki nr. 160/2010 og skilgreind eru sem verkefni byggingarnefnda í lögunum önnur en afgreiðsla byggingarleyfa, úthlutun lóða, gerð byggingarskilmála og tillagna um nöfn gatna, torga og bæjarhluta, sbr. samþykkt um afgreiðslur byggingarnefndar Fjarðabyggðar.

Sviðsstjóri umhverfis- og skipulagssviðs afgreiðir og undirritar endurnýjun lóðasamninga án staðfestingar bæjarráðs.

3. gr.

Eigna-, skipulags- og umhverfisnefnd skal hafa eftirlit með afgreiðslu mála sem afgreidd eru með tilvísun til viðauka þessa og getur kallað eftir reglulegum skýrslum um ákvarðanir sem teknar eru á grundvelli hennar, sbr. 57. gr. samþykktar um stjórn og fundarsköp Fjarðabyggðar.

4. gr.

Sviðsstjóri umhverfis- og skipulagssviðs getur ávallt vísað máli skv. 2. gr. til afgreiðslu eigna-, skipulags- og umhverfisnefndar.

Ef ætla má að aðili máls muni ekki sæta niðurstöðu sviðsstjóra umhverfis- og skipulagssviðs skal hann vísa málinu til afgreiðslu eigna-, skipulags- og umhverfisnefndar.

5. gr.

Óski aðili frekari rökstuðnings við afgreiðslu máls sem afgreidd eru með tilvísun til viðauka þessa eða beri hann fram kvörtun, skal honum leiðbeint um réttarstöðu sína, meðal annars um heimild til að óska eftir endurupptöku máls í eigna-, skipulags- og umhverfisnefnd, sbr. 24. gr. stjórnsýslulaga, eftir því sem við á.

VIÐAUKI 2.4

Embættisfærslur dýraeftirlitsmanns.

1. gr.

Dýraeftirlitsmaður afgreiðir, án staðfestingar eigna-, skipulags- og umhverfisnefndar, mál sem honum berast og talin eru upp í 2. gr. viðauka þessa, skv. heimild í 2. mgr. 42. gr. sveitarstjórnarlaga nr. 138/2011 og 2. mgr. 57. gr. samþykktar um stjórn og fundarsköp Fjarðabyggðar.

2. gr.

Dýraeftirlitsmaður afgreiðir án staðfestingar eigna-, skipulags- og umhverfisnefndar, leyfi fyrir dýrahaldi, sbr. samþykktir sveitarfélagsins um dýrahald. Dýraeftirlitsmaður framkvæmir ákvarðanir í samráði við heilbrigðisfulltrúa og heilbrigðisnefnd.

3. gr.

Eigna-, skipulags- og umhverfisnefnd skal hafa eftirlit með afgreiðslu mála sem afgreidd eru með tilvísun til viðauka þessa og getur kallað eftir reglulegum skýrslum um ákvarðanir sem teknar eru á grundvelli hennar, sbr. 57. gr. samþykktar um stjórn og fundarsköp Fjarðabyggðar.

4. gr.

Dýraeftirlitsmaður getur ávallt vísað máli skv. 2. gr. til afgreiðslu eigna-, skipulags- og umhverfisnefndar.

Ef ætla má að aðili máls muni ekki sæta niðurstöðu dýraeftirlitsmanns skal hann vísa málinu til afgreiðslu eigna-, skipulags- og umhverfisnefndar.

5. gr.

Óski aðili frekari rökstuðnings við afgreiðslu máls sem afgreidd eru með tilvísun til viðauka þessa eða beri hann fram kvörtun, skal honum leiðbeint um réttarstöðu sína, meðal annars um heimild til að óska eftir endurupptöku máls í eigna-, skipulags- og umhverfisnefnd, sbr. 24. gr. stjórnsýslulaga, eftir því sem við á.

VIÐAUKI 2.5

Embættisfærslur sviðsstjóra framkvæmdasviðs.

1. gr.

Sviðsstjóri framkvæmdasviðs afgreiðir, án staðfestingar eigna-, skipulags- og umhverfisnefndar, mál sem honum berast og talin eru upp í 2. gr. viðauka þessa, skv. heimild í 2. mgr. 42. gr. sveitarstjórnarlaga nr. 138/2011 og 2. mgr. 57. gr. samþykktar um stjórn og fundarsköp Fjarðabyggðar.

2. gr.

Sviðsstjóri framkvæmdasviðs, afgreiðir húsaleigusamninga án staðfestingar eigna-, skipulags og umhverfisnefndar.

3. gr.

Eigna-, skipulags- og umhverfisnefnd skal hafa eftirlit með afgreiðslu mála sem afgreidd eru með tilvísun til viðauka þessa og getur kallað eftir reglulegum skýrslum um ákvarðanir sem teknar eru á grundvelli hennar, sbr. 57. gr. samþykktar um stjórn og fundarsköp Fjarðabyggðar.

4. gr.

Sviðsstjóri framkvæmdasviðs getur ávallt vísað máli skv. 2. gr. til afgreiðslu eigna-, skipulags- og umhverfisnefndar.

Ef ætla má að aðili máls muni ekki sæta niðurstöðu sviðsstjóra framkvæmdasviðs skal hann vísa málinu til afgreiðslu eigna-, skipulags- og umhverfisnefndar.

5. gr.

Óski aðili frekari rökstuðnings við afgreiðslu máls sem afgreidd eru með tilvísun til viðauka þessa eða beri hann fram kvörtun, skal honum leiðbeint um réttarstöðu sína, meðal annars um heimild til að óska eftir endurupptöku máls í eigna-, skipulags- og umhverfisnefnd, sbr. 24. gr. stjórnsýslulaga, eftir því sem við á.